



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Arnoldi Corvini à Belderent J. U. D. Jus Canonicum, Per  
Aphorismos Strictim Explicatum**

**Corvinus van Beldern, Arnold**

**Amstelodami, 1663**

De Iure Pontificio, seu Canonico.

**urn:nbn:de:hbz:466:1-10591**

ARNOLDI CORVINI  
à BELDEREN J. U. D.  
**JUS CANONICUM,**  
PER  
**A P H O R I S M O S**  
*Strictissim*  
**E X P L I C A T U M**  
LIBER PRIMUS.

*De Iure Canonico, seu Pontificio.*

TITULUS I.

**I**uri Canonico, seu Pontificio, operam daturum prius nosse oportet, unde ejus nomen descendat.

Est *Ius dictum*, quia justum, *c. jus generale*. 2. *§. jus autem. dist. 1. Canonicum*; à Græco Κανώνιον quod Latinè regula: eò quod normam rectè & bene vivendi præbeat, vel quod distortum pravumque corrigat. *c. 2. dist. 3. Pontificium*, quod Pontificem Romanum auctorem habeat.

*Ius enim Canonicum* dicitur, jus positivum, quod à summis Pontificibus Ecclesiæ Romanæ traditum, constitutum, vel approbatum fuit.

Est vel *scriptum*, vel non *scriptum*.

Illud vel est *divinum ius*, vel *constitutio Ecclesiastica*.

*Ius divinum* est, quod in Lege continetur, & Euangelio. *dist. 1. in sum.*

Hoc omnibus aliis scriptis canonicis præfertur: *c. quis nestiat*. 8. *dist. 9.* & est immutabile. *c. fin. §. his itaque dist. 6.*

A

Con-

*Constitutiones Ecclesiasticae*, sunt vel statuta Concilio-  
rum, tam generalium, quam provincialium, & Episco-  
palium; c. 3. dist. 5. vel *Decreta Pontificum*; vel dicta  
*Sanctorum*. c. 2. §. porro. dist. 3.

*Concilia generalia* sunt, quæ Episcopi ex universo orbe  
auctoritate Sedis Apostolicæ, c. 1. & seq. dist. 17. fidei  
Evangelicæ afferendæ causâ, in unum convenientes con-  
siderunt. c. 1. in princ. versic. sub hoc. dist. 15.

Iis statuta propriè *Canones* dicuntur; & ab omnibus  
per omnia servari debent; præcipue quatuor priorum  
*Conciliorum*: puta Niceni, Constantinopolitani, Ephesi-  
ni, Chalcedonensis. c. sancta octo. 8. dist. 16.

*Provincialia Concilia* sunt, quæ Ecclesiasticis de cau-  
sis, Metropolitano omnes provinciæ Episcopos convo-  
cante, celebrantur. c. propter. 4. dist. 18.

*Episcopalia*, quæ Episcopus in sua diœcesi, convocatis  
Abbatibus, Presbyteris, Clericis, singulis annis celebrat.  
c. pen. 1. palea. dist. 18.

Iis statuta, non proprie *Canones*, sed *Constitutiones*  
dicuntur; & tantum ejus provinciæ, civitatis & diœce-  
sis homines devinciunt; c. 1. dist. 18. *Felin.* in c. 3. num. 5.  
de jurejur. &c. 1. *Ext. eod.* si puta Canonibus Concilio-  
rum universalium, vel Conciliorum per generalia rece-  
ptorum, non adversantur: c. 1. dist. 18. & interdum con-  
firmatione Apostolicæ Sedis indigent. c. cum accessissent.  
8. de constitut.

Sic confirmata, & cæteros Christianos obligant.  
c. 1. dist. 20. ratio est in c. si Apostolicæ. 22. de præbend.  
in 6.

*Decreta Pontificum* sunt constitutiones Ecclesiasticae,  
à summo Pontifice, vel solo, vel Cardinalium Episcopo-  
rum consilio adhibito, aut ultiro, aut aliquo interpellante,  
factæ. c. 1. de const. c. generali. 25. qu. 1. Gl. in c. o-  
mnes. 3. dist. c. 1. de rescript.

Ea, si generalia sunt, omnibus; c. 1. de const. si spe-  
cialia, iis quibus concessæ, legem imponunt: c. ideo. §.  
neque

TIT. I. DE JURE CANON.

neque enim. 25. qu. 1. c. privilegia. dist. 3. & tum privilegia dicuntur.

Species constitutionum sunt *rescripta*; nam jus inter partes, & in negotiis, seu rebus super quibus conceduntur, faciunt. c. constitutus. 11. de concess. præbend. c. cum dilecta. 22. de rescript.

Modo non per mendacium, aut veritatis occultationem. *Felin.* c. ad audientiam. 2. num. 27. & num. 22. c. super literis. num. 17. de rescript. licet contra, vel præter jus impetrata sint. c. 1. & 2. dist. 19. c. 3. dist. 29.

Sunt *rescripta* literæ, c. 1. & passim de rescript. à summo Pontifice, c. 2. eod. vel ejus Vicario, c. pen. de offic. Vicar. sive motu proprio, c. si motu. 23. & c. seq. de præb. in 6. sive aliquo suggestente; (quæ suggestio vocatur intimatio, c. 2. de rescript. vel insinuatio, c. 3. de procur. vel relatio, c. 4. vel nos verò. eod.) & aut conquerente, c. 2. & 4. eod. & supplicante, c. ult. de eo qui cogn. consang. ux. aut consulente, c. consuluit. 24. de offic. jud. deleg. emissæ.

Posteriora rescripta, prioribus, si de iis mentionem habeant, aut si is, qui priora impetravit, iis dolo vel culpâ intra annum non sit usus, c. si autem. 9. c. plerumque. 23. de rescript. præferuntur: c. cæterum. 3. §. 1. ubi Dd. de rescript. Specialia generalibus. c. pastoralis. §. quoniam. de offic. jud. deleg. c. studiisti. de offic. leg.

Quæ contra formam rescriptorum fiunt, infirmantur, c. cum dilecta. 22. vers. dictum. de rescript.

Sanctorum dicta vim constitutionum habent; puta ea quæ collectore Gratiano, ex scriptis Doctorum Ecclesiæ, auctoritate Eugenii tertii, sub nomine Decretorum, juris nomen & vim acceperunt, & sacris Canonibus inserta sunt. d. c. 1. & per tot. dist. 20.

Ius Canonicum non scriptum, in Ecclesiæ Romanæ Consuetudine recepta consistit. c. nolite. 3. c. Ecclesiasticorum. §. dist. 11. c. ex literis. 9. de constitut.

Consuetudo, est jus quod moribus introductum.

Hoc, si neque bonis moribus, neque decretis, neque conciliis aduersetur, in rebus & juribus Ecclesiasticis, scriptæ constitutionis vigorem habet. c. diuturni. 6. dist. 12. c. consuetudo. 5. dist. 1.

Stylus Curiæ Romanæ etiam, ubi jus non est contrarium, in decisionibus allegari potest. c. literas. 2. de juram. column. Panorm. ad c. ex literis. de constit. Felin. ad c. 2. num. 16. de rescript.

Is est, formula, qua Aulæ Romanæ Curiales, in rescriptis, vel aliis negotiis expediendis, utuntur. c. cum in causis. de sent. & re jud.

Omne jus Canonicum versatur circa tria; Personas, res, & judicia.

Videndum primum de personis, quarum causâ cætera omnia adinventa. Genes. 1.

### De Iure Personarum.

#### TIT. II.

Personæ, quæ hoc jure considerantur, sunt Ecclesiasticæ, tam *impropriæ*, quam *propriæ* dictæ. c. duo sunt genera Christianorum. 7. caus. 12. qu. 1.

Ecclesiasticæ personæ *impropriæ* dictæ sunt *Laici*: id est, populares. d. c. duo sunt genera. vers. aliud vero. Dicuntur Ecclesiastici; quia divino baptismatis munere in Ecclesia admissi, & Christianorum in albo descripti.

Ecclesiasticæ personæ *propriæ* dictæ sunt illi, qui Ecclesiæ ipsius ritibus, & solennibus quibusdam servatis, ab Episcopo, ut illi famulentur, sunt adscripti. Clerici dicuntur, eò quod in sortem Domini sunt dilecti. d. c. duo sunt genera. vers. inde.

Illi, de quibus nobis hic non erit sermo, divinis officiis non sunt mancipati: *Hi* sunt; & proinde, ut contemplationi & orationi intentius vacare possint, ab omni temporalium negotiorum turba & strepitu se continere & temperare debent. d. c. duo sunt.

Sunt